

Famia ta gradicido na Gabinete Mike Eman II

Prome caya cu nomber den Seroe Blanco

Arends tambe ta fundador di Aruba Voetbal Bond (AVB) y di Arubaanse Sport Unie (ASU). "Na nomber di mi cuña Daphne Arends, di su yunan Rusette y Jacob R Arends III, di su nietonan Daniella, Jacob R Arends

bisanietonan Kaelyn y Xaveena, mi ta gradici Gobierno di Aruba inmensamente pa a reconoce e labor di mi tata pa cu nos isla." Prome Minister Mike Eman tabatin e honor pa hunto cu Jacob R. Arends III devela e borchaki



Diahuebs, 31 di januari 2014, tabata e dia cu Seroe Blanco a conoce su prome caya cu nomber. E caya a haya nomber di Caya Dr. J.R. "Coco" Arends, kende tabata doño di e tere nonan cu awe ta parti di e bario. Den un discurso di sr. Rory Arends, un persona hopi bon conoci den mundo di Turismo, a duna un splicacion di kende tabata dr. Coco Arends, manera e tabata wordo yama den pueblo. Coco Arends a gradua como medico na Universidad di Amsterdam y el a cuminsa traha como dokter di gobierno na

Bonaire na aña 1928. Na aña 1931 el a bira Director di Salubridad Publico cu sede na Corsou y despues di algun aña a muda pa Aruba caminda el a asumi e encargo di dokter di gobierno. No a dura mucho pa el a drenta arena politico y como candidato pa KVP-Aruba (Partido Catolico di Aruba) el a keda eligi den e prome eleccion pa "Staten" como un di e prome representantenan di Aruba den e colegio aki. E otro representante di Aruba tabata e maestro di scol Jean de Cuba. Su carera politico a sigui te na aña 1951

como miembro di "College van Algemeen Bestuur" y despues como Minister den "Regeringsraad" (Conseho di Minister), te dia 8 di december 1954, na vispera di nacemento di Antia Hulandes, segun proclama den Statuut di Reino Hulandes. Su pasion pa deporte a conduci cu el a pone un tereno grandi na Sta. Helena, na disposicion di e ekipo di futbol Aruba Juniors pa un suma simbolico anualmente. Actualmente ainda Aruba Juniors ta uzando e tereno aki, cu awor ta pertenece na Gobierno di Aruba. Dr. Coco

IV, y Fausto; y na nomber di mi yunan Tita, Joalis, y Abigaél; di mi nietonan Kaihle, Justin, Tahnyshah y Taickie; y mi

diahuebs atardi den presencia di familiar y representantenan di diferente departamentonan di gobierno.